

საქონლის მფლობელის მიერ გაცემი

საქონლის მფლობელის მიერ გაცემი
287 1 370

საქონლის მფლობელის მიერ გაცემი
287 1 370

დასაბუთებულია
16.01.2025

193.

საქართველოს სსრ უმაღლესი და საშუალო სპეციალური განათლების
სამინისტროს უმაღლესი განათლების სამეცნიერო-მეთოდური კაბინეტი

დამტკიცებულია საქართველოს
სსრ უმაღლესი და საშუალო სპე-
ციალური განათლების სამინის-
ტროს კოლეგიის მიერ 1976 წლის
28 მაისს.

უახლესი ქართული ლიტერატურის
ისტორიის პროგრამა

(პედაგოგიური ინსტიტუტებისათვის)

თ ბ ი ლ ი ს ი
1979

რედაქტორი პროფ. აკ. თოფჩუა

წინამდებარე პროგრამაში, რომლის გადამუშავებაში მონაწილეობას იღებდნენ ქართული ლიტერატურის სასწავლო-მეთოდური საბჭოს მიერ გამოყოფილი კომისიის წევრები პროფესორების: ს. ქილაიას, დ. ბენაშვილის, ვ. ცისკარიძის, ი. ბოცვაძის და დ. თევზაძის შემადგენლობით, გათვალისწინებულია პედაგოგიური ინსტიტუტების შესაბამისი კათედრებისგან მიღებული შენიშვნები და პრესაში გამოთქმული მოსაზრებანი. მისი საბოლოო ვარიანტი საბჭოს 1976 წლის 15 აპრილის სხდომაზე განხილვის შემდეგ დასამტკიცებლად წარედგინა საქართველოს სსრ უმაღლესი და საშუალო სპეციალური განათლების სამინისტროს, ამრიგად, იგი იბეჭდება სათანადო წინასწარი აპრობაციის და სამინისტროს მოწონების საფუძველზე.

პროგრამის სტრუქტურული აგებულება და შინაარსი რამდენადმე განსხვავდება არსებულისაგან. მონოგრაფიული თემების შემცირების ხარჯზე მიზანშეწონილად იქნა მიჩნეული უფრო სრულად გვეჩვენებინა უახლესი ქართული ლიტერატურის განვითარების ისტორიული პროცესი მისი საწყისი პერიოდიდან 40-იან წლებამდე. ქართული საბჭოთა ლიტერატურის ეს მონაკვეთი (20-იანი, 30-იანი და 40-იანი წლები) წარმოდგენილია ყანრობრივი მრავალფეროვნებით, როგორც განვითარების ერთიანი პროცესის გამოხატულება. განმეორებათა თავიდან აცდენის მიზნით ამ ზოგადმიმოხილვით ნაწილში მოქცეული არ არის არც ერთი მონოგრაფიულად შესასწავლი მწერალი და მათი ნაწარმოებები. რა თქმა უნდა, ეს სრულიადაც არ ნიშნავს მათ გარეშე მთელი განვლილი პროცესების განხილვა-გაშუქებას.

ამიტომ, პროგრამის ეს ნაწილი საგნის ლექტორისაგან გარკვეულ შემოქმედებით მიდგომას მოითხოვს. ასევე შემოქმედებითად, სწორი იდეურ-ესთეტიკური პოზიციებით უნდა შექმნას

მან ქართული საბჭოთა ლიტერატურის ომის შემდგომი წლების, თანამედროვე პერიოდის მთავარი ტენდენციების შესახებ სტუდენტებისათვის საკურო ცნობების მიწოდება. ამ ტენდენციებსა და პროცესებს არსებითად ისინი დამოუკიდებლად, სამეცნიერო და ლიტერატურულ წრეებში აქტიური მონაწილეობის გზით უნდა ეცნობოდნენ. პროგრამით გათვალისწინებული საორიენტაციო საკითხები ნავარაუდევია დასკვნითი-შემაჯამებელი მეცადინეობისათვის.

ქართული ლიტერატურის სასწავლო-მეთოდური საბჭო

უახლესი ქართული ლიტერატურის ისტორიის შესწავლის საგანი, მისი სათავე, ეპოქის ხასიათი და თავისებურებანი. მემკვიდრეობითი კავშირი მრავალსაუკუნოვანი ქართული მწერლობის ტრადიციებთან. ლენინი განმათავისუფლებელი მოძრაობის სამი ეტაპის შესახებ და მისი მნიშვნელობა მე-19 საუკუნისა და მე-20 საუკუნის დასაწყისის ქართული მწერლობის პერიოდიზაციისათვის. უახლესი ქართული ლიტერატურის განვითარების შინაგანი ეტაპები.

I. 1890-იანი წლებიდან 1921 წლამდე

I. XIX საუკუნის დასასრულისა და XX საუკუნის დასაწყისის ლიტერატურა

სამრეწველო კაპიტალიზმის განვითარება საქართველოში და პროლეტარიატის როგორც რევოლუციური კლასის ჩამოყალიბება. ანტიკონსტრუქტიული წინააღმდეგობის გამწვავება ქალაქად და სოფელად. მარქსიზმის გავრცელება საქართველოსა და ამიერკავკასიაში. „მესამე დასის“ და მისი დამოკიდებულება საზოგადოებრივი ცხოვრებისადმი, ხელოვნებისადმი, წინა თაობის მწერლობისადმი. იდეურ-პოლიტიკური ბრძოლა „მესამე დასის“ უმრავლესობასა და უმცირესობას შორის.

ამ მოვლენების ასახვა. კლასობრივი და იდეოლოგიური ბრძოლის გამოხატულება 1890—1900-იანი წლების ქართულ ლიტერატურაში. ქართული სოციალური რომანის შექმნა (ანანტასია ერისთავ-ხოშტარას „მოლიბულ გზაზე“, „ბედის ტრიალი და სხვ.). მარქსისტული ლიტერატურული კრიტიკის ჩასახვა (ა. წულუკიძის, ფ. მახარაძის, ი. გომარ თელის და სხვათა ლიტერატურულ-კრიტიკული წერილები) და მისი ბრძოლა ლიტერატურის ახალი გზით განვითარებისათვის. ლიტერატურის, ეპრობრივი მრავალფეროვნება, როგორც ამ დროის მწერლობის ერთ-ერთი დამახასიათებელი თავისებურება (ეტყულების, ესკიზების, ნოველების, დღიურების, საზოგადოებრივ-მოქალაქეობრივი ლირიკის სახეობათა გავრცელება და დამკვიდრება).

მაქსიმ გორკი — სოციალისტური რეალიზმის ფუძემდებელი. გორკისებური იდეების და მხატვრული პრინციპების გამოძახილი

ჩენში, სოციალისტური რეალიზმის ელემენტების (ასახვა რევოლუციამდელ ქართულ ლიტერატურაში (ი. ევლოშვილი, შ. დადიანი, ლ. ქიაჩელი), ახალი ეპოქის კრიტიკული რეალიზმის თვალსაჩინო წარმომადგენლები.

ევანტე ნინოშვილი (1859—1894), ბიოგრაფია, ე. ნინოშვილი, როგორც „მესამე დასის“ ერთ-ერთი ორგანიზატორი და ახალი ლიტერატურული სკოლის მეთაური. სოფლის კლასობრივი დიფერენციაციის, კაპიტალიზმის შემოჭრის, კლასობრივი ბრძოლის გამძაფრების ასახვა ნინოშვილის შემოქმედებაში. თავადაზნაურობის დეგრადაციის გამოხატვა („ჩვენი ქვეყნის რაინდი“, „ქრისტიანე“, „სოფლის გმირები“). ნინოშვილის დამოკიდებულება ისტორიულ თემსთან. „ჯანყი გურიაში“ და ეროვნული და კლასობრივი ბრძოლის საკითხი ამ რომანის მიხედვით. ინტელიგენტის ახალი ტიპი („ჩვენი ქვეყნის რაინდი“), გლეხთა ტიპები („განკარგულება“, „გოგია ფიშვილი“, „პალიასტომის ტბა“, „სიმონა“), ქალთა სახეები ნინოშვილის შემოქმედებაში (დარიკო, დესპინე, ქრისტიანე, გული). ე. ნინოშვილის პუბლიცისტური წერილების პათოსი და იდეური სიახლე. „ძველი დავა ახალ ქერქში“, როგორც მარქსისტული იდეებით შთაგონებული პირველი პუბლიცისტური წერილი ქართულ რევოლუციამდელ ლიტერატურაში; მუშათა კლასის ცხოვრების გამომხატველი პირველი რომანის „მუშათა თავშესაფარის“ ჩვენამდე მოღწეული ნაწყვეტები. ე. ნინოშვილის სტილის თავისებურებანი. ნინოშვილის ადგილი უახლესი ქართული ლიტერატურის ისტორიაში.

ლალიონი (არსენ მამულაშვილი) როგორც ნინოშვილის სკოლის მიმდევარი.

ვასილ ბარნოვი (1857—1934), ბიოგრაფია, ბარნოვის მსოფლმხედველობა. ბარნოვის სოციალური მოთხოვნები. („სადედოფლო სარტყელი“, „თარჩის ახალუხი“, „ხურდა“, „გველის ზეიმი“, „ვერცხლით ნუნელი“, „ამქრის მშენება“, „განასკვილი სიმი“) ვასილ ბარნოვის ისტორიული რომანები: ძირითადი კონფლიქტები, ურთიერთობა ისტორიულ ფაქტსა და მხატვრულ გამონაგონს შორის, ფსიქოლოგიაში, პერსონაჟთა ხატვის ხერხები; („არმაზის

მსხვერვა“, „ტრფობა წამებული“, „მიმქრალი შარავანდეც“), ვასილ ბარნოვის სტილი, რიტმული პროზა, არქაიზმი.

დავით კლდიაშვილი (1862—1931), ბიოგრაფია, კაპიტალიზმის განვითარება და თავადაზნაურობის ყოფის რღვევა. „შემოდგომის აზნაურთა“ ბედის ასახვა („სოლომან მორბელაძე“, „სამანიშვილის დედინაცვალი“, „ქამუშაძის გაჭირვება“). აზნაურთა ტიპები და მათი გაქსნავებულობის სოციალური და პიროვნული საფუძველი. ცრუმორწმუნეობის მხილება დ. კლდიაშვილის შემოქმედებაში („შერისხვა“, „მსხვერპლი“, „მიქელა“). დ. კლდიაშვილის დრამატურგია („ირინეს ბედნიერება“, „დარისპანის გასაჭირი“, „უბედურება“). საბჭოთა ხელისუფლების პერიოდში დაწერილი მოთხოვნები და მათი ხასიათი („შუა ცეცხლის პირას“, „კიმოთე შეშველიცე“). მემუარული ნაწარმოები „ჩემი ცხოვრების გზაზე“, დ. კლდიაშვილის სტილი დ. კლდიაშვილის იუმორის ხასიათი და მხატვრული ფუნქცია, კომიკურისა და ტრაგიკულის ურთიერთმიმართება, დ. კლდიაშვილის პროზის ენა.

შიო არაგვისპირელი (1867—1926), ბიოგრაფია, არაგვისპირელის თხზულებათა ძირითადი თემატიკა. ხალხოსნური ლიტერატურის კვალი და მისგან გამიჯვნა („მამის მიწა მიყავარეთ“, „ჩემი ბრალი არ არის, ომერთო“, „განი“). კაპიტალისტური საზოგადოების მორალის მხილება („ანტონ ზურაბიჩი“, „გმადლობ, უფალო“, „პარამხანის სურათი“, „მომილოცნია ახალი წელი“). სიყვარულის თემა („ჩიხითიებს და ხითხითებს“, „მხრებილა ავიჩეჩე“, „ქარი კი ამ დროს...“, „წერილის ნაგლოჯი“, „გიული“, „გაბზარული გული“). პატრიოტიზმის მოტივი („ამიწა“, „ჩემი სამშობლო ჩემი გულია“). ადამიანის არსისა და დანიშნულების გაგება („ლირის ვარ ამისა, ღირსი“, „შემუხსრილი სამი მუნება“, „ციცინათელა“). პიროვნება და საზოგადოება („ადამიანი“, „რა ზიზღით მიცქერის“). 1905 წლის რევოლუციური მოძრაობის გამოსახვა („მიჯაჭველი ამირანი“, „სამარცხენო ბოძთან“, „და ავა, მოვიდა მოგვი...“). შ. არაგვისპირელი — ქართული ფსიქოლოგიური ნოველის ფუძემდებელი. ფსიქოლოგიზმის ხატვის ხერხები, ნოველისტური კომპოზიცია, ენობრივი თავისებურებანი.

2. 1905—1907 წლების ბურჟუაზიულ-დემოკრატიული რევოლუციის პერიოდის ლიტერატურა

მუშათა რევოლუციური მოძრაობის აღმავლობა. 1905 წლის რევოლუციის ძირითადი მამოძრავებელი ძალები, რევოლუციის პერიოდის ლიტერატურული ცხოვრება. ი. ჭავჭავაძის, ა. წერეთლის, ვაჟა ფშაველას დამოკიდებულება რევოლუციისადმი. მუშათა რევოლუციური პოეზია, პროზა და დრამატურგია 1905-იან წლებში.

3. ი. ლენინის სტატია „პარტიული ორგანიზაცია და პარტიული ლიტერატურა“. მისი ისტორიული მნიშვნელობა. ლენინი ლიტერატურის კლასობრიობისა და ხალხურობის შესახებ.
ირადიონ ევდოშვილი (1873—1916). ბიოგრაფია. შემოქმედების ძირითადი მოტივები. მუშათა ცხოვრების სურათები. მუშის ბედი კაპიტალიზმის პირობებში („სადამო ქალაქში“, „მუშა“, „მკვდელი პეტრე“, „მუშის სიზმარი“, „რას შესცქერ. მხოლოდ...“, „შადრევანი“). რევოლუციური ბრძოლის მოტივები („მეგობრებს“, „სიმღერა“, „ქარიშხალი“, „პირველი სხივი“). ხელოვნების დანიშნულება („მუშა და მუშა“), კაპიტალისტური საზოგადოების გერები („მატანტალა“, „განკიცხული“, „მოდის, მოგოგავს“). ევდოშვილის მოთხრობები („ორი ობოლი“, „შადრევანი“, „დანგრეული კერპი“, „გველების ყორე“, „ციხეში“). ი. ევდოშვილის გავლენა რეაქციის პერიოდის ქართულ მწერლობაზე. სატირა ირ. ევდოშვილის შემოქმედებაში. ევდოშვილის პოეზიის მომწოდებლური, ორატორული ხასიათი. ი. ევდოშვილი — რევოლუციური პოეზიის ფუძემდებელი საქართველოში. მისი ლექსების მხატვრული დონის ზოგადი დახასიათება. ი. ევდოშვილი — საბავშვო მწერალი.

ქოლა ლომთათიძე (1878—1915). ბიოგრაფია. აღრინდელი მოთხრობები („დავითი“, „ცხოვრების გულიდან“, „ხიცრუი“, „დასაფლავება“, „მატლი“, „აქრეთ სინათლე, აქრეთ, მე მაინც ავანთებ მას“). სოციალისტ-რევოლუციონერთა წარმომადგენლები („საბურთალოსი“, „ჩემი დღიური“, „სახარბიელის წინაშე“, „თეთრი ღამე“, „ძე კაცისა“). პროტესტი თვითმპყრობელობისა და კაპიტალიზმის წინააღმდეგ („სახარბიელის წინაშე“, „პირველი მაისი“). სიმბოლიზმის მოტივები („ღუმლი“, „კვლავ ფიქრი, ფიქრი“). ეროვნული მოტივი („უბის წიგნიდან“). ქ. ლომთათიძის პროზის

ლირიკული ბუნება. ლირიზმის ხერხები. დღიურის ფორმა. პიროვნულისა და საზოგადოებრივის ურთიერთმიმართება ქ. ლომთათიძის დღიურებში.

3. რეაქციისა, პირველი იმპერიალისტური ომისა და 1917 წლის თებერვლის რევოლუციის პერიოდის ქართული ლიტერატურა

დემოკრატიულ-რევოლუციური, ე. წ. ევდოშვილის სკოლის მწერლების (ნ. ჩხიკვაძე, გ. ქუჩიშვილი, ვ. რუხაძე, ს. თავაძე, ხ. ვარდოშვილი, დ. მეგრელი) ძირითადი შემოქმედებითი თემატიკა, მათი იდეური და მხატვრული თავისებურება. რეალისტური ტრადიციების განვითარება ამ პერიოდის მწერალთა ახალი თაობის მიერ. იმპრესიონიზმის ნიშნები ქართულ ლიტერატურაში.

სიმბოლისტურ-დეკადენტური მიმართულების წარმოშობა საქართველოში. „ცისფერყანწელთა“ ლიტერატურული სკოლა. მისი პროგრამა, შემოქმედებითი პრინციპები, პერიოდული ორგანოები („ცისფერი ყანწები“, „მეოცნებე ნიამორები“, „მშვილდოსანი“, „ბარიკადი“ და სხვ.). ვალ. გაფრინდაშვილის, პ. იაშვილის თეორიული წერილებისა და ლიტერატურული პროდუქციის ზოგადი მიმოხილვა. „ცისფერი ყანწები“ და დასავლური სიმბოლიზმი: „ცისფერყანწელთა“ სკოლის იდეოლოგიური პოზიციების კრიტიკა. „ცისფერყანწელთა“ როლი ქართული პოეტური კულტურის განვითარებაში. თბილისის სახელმწიფო უნივერსიტეტის დაარსება. ივ. ჯავახიშვილის როლი ამ ეროვნულ საქმეში. ამ პერიოდის ლიტერატურული კრიტიკის ძირითადი ტენდენციები (კ. აბაშიძე, ი. გომართელი, ფ. მახარაძე და სხვ.). კრიტიკული რეალიზმი, როგორც ამ პერიოდის ქართული მწერლობის მთავარი მიმართულება.

ბურჟუაზიულ-დემოკრატიული რევოლუციის გადაფასება ქართველი მწერლების ერთი ნაწილის მიერ (ვ. რუხაძე, ნ. ჩხიკვაძე, ა. აბაშელი, ი. გრიშაშვილი, ს. შანშიაშვილი, გ. ქუჩიშვილი და სხვ.). მენშევიკური სინამდვილე, როგორც უიმედობისა და სულიერი დაცემულობის წყარო ქართული მწერლობისათვის. სატირისა და იუმორისტული ყანწის აღმავლობა ამ პერიოდის ლიტერატურაში (თავუნა და სხვ.). მენშევიკური ხანის მხატვრული პერიოდული პრესა („ცისარტყელა“ და სხვ.).

ოქტომბრის რევოლუციისა და ლენინის თემა ამ პერიოდის ქართულ მწერლობაში (გ. ტაბიძე, ტ. ტაბიძე, დ. სულიაშვილი და სხვ.). ქართველ პროლეტარულ მწერალთა პირველი თაობა (ს. ეული, ნ. ზომლეთელი, რ. კალაძე, პ. სამსონიძე, ი. ლისაშვილი, ი. ვაკელი, კ. ფერდოსიშვილი) და შემოქმედების თემატიკა, მხატვრულ გამომსახველობითი ფორმები.

11. 1921 წლიდან 1970-იან წლებამდე

1. ქართული საბჭოთა ლიტერატურის განვითარების პირველი პერიოდი — ოციანი წლები (1921—1931)

საბჭოთა ხელისუფლების დამყარება საქართველოში და ქართული მწერლობა. კომუნისტური პარტიისა და საბჭოთა ხელისუფლების ღონისძიებანი სახალხო მეურნეობის აღდგენისა და სოციალისტური განვითარებისათვის. ქართული საბჭოთა მწერლობის ორგანიზაციულ-შემოქმედებითი ფორმირების პროცესის სირთულე მწვევე კლასობრივ-იდეოლოგიური ბრძოლის პერიოდში. ქართული საბჭოთა ლიტერატურის ნოვატორული ბუნება. მისი ინტერნაციონალური ხასიათი და განვითარების გზა შრეალეროვან საბჭოთა მწერლობის ოჯახში. ქართველ მწერალთა კონტაქტები რუსი და სხვა მოძვე ერების ლიტერატურების წარმომადგენლებთან. გორკისა და მაიაკოვსკის შემოქმედებითი კავშირი და მეგობრობა ქართველ მწერლებთან.

რეალიზმი როგორც ძირითადი ესთეტიკურ-მხატვრული მიმართულება ამ პერიოდის მწერლობაში და მისი ბრძოლა ფორმალისტურ-დეკადენტურ სკოლებთან. თანამედროვეობის პრობლემა ამ პერიოდის ქართულ მწერლობაში. ლიტერატურული ასოციაციები და დაჯგუფებები („პროლეტარული მწერლობა“, „ცისფერი ყანწები“, „აკადემიური ასოციაცია“, „ფუტურისტ-ლეველები“, „პროლეტარი“, „არიფიონი“, „ლიტერონტი“). მათი თანაარსებობის ობიექტური როლი ქართული საბჭოთა მწერლობის ფორმირებაში. ექსპრესიონიზმისა და კონსტრუქტივიზმის გამოძახილი ამ პერიოდის ქართულ მწერლობაში. რკპ (ბ) ცკ-ის 1925 წლის 18 ივნისის რეზოლუცია „პარტიის პოლიტიკის შესახებ მხატვრული ლიტერატურის დარგში“ და მისი ისტორიული მნიშვნელობა საბჭოთა ლიტერატურის განვითარებისათვის.

ქართველ მწერალთა პირველი ყრილობა (1926). ოციანი წლების ქართული ლიტერატურის (ლირიკა, ეპოსი, დრამატურგია) ძირითადი თემატიკურ-ქანობრივი თავისებურება, მხატვრულ-იდეური მიმართულება და განვითარების ტენდენციები. პოლიტიკური ლირიკა, როგორც ამ პერიოდის ქართული პოეზიის ერთ-ერთი დამახასიათებელი ნიშანი. ინდუსტრიალიზაციისა და კოლექტივიზაციის პოლიტიკის გამარჯვება ქალაქად და სოფლად. ძველი სამყაროს რღვევის, მომავლადი კლასების აგონიისა და ახლის დაბადების პროცესის გამოსახვა ამ პერიოდის ქართულ მწერლობაში. დოკუმენტური პროზა. ძირითადი ქართული მხატვრული პერიოდული ორგანოები (ეურნ. „მნათობი“, „პროლეტარული მწერლობა“, „ქართული მწერლობა“). ქართველ მწერალთა მეორე ყრილობა (1928). პროლეტარულ მწერალთა ახალი თაობები (ალ. მირცხულავა, კ. კალაძე, კ. ლორთქიფანიძე, პ. ჩხიკვაძე, ი. აბაშიძე, ა. გომიაშვილი და სხვ.). პროლეტარული მწერლობის ასოციაციის — „რაპის“ მცდარი და მიუღებელი ლიტერატურული და შემოქმედებითი პრინციპები, როგორც ძირითადი შემფერხებელი ორგანიზაციული ფორმა საბჭოთა ლიტერატურის განვითარებისათვის.

პოეზია: გ. ქუჩიშვილის „რევოლუცია“, „აწყვეტილი ამირანი“, პ. იაშვილის „ახალ საქართველოს“, „პოეზია“, ს. შანშიაშვილის „დედისერთა ლენინთან“, ა. აბაშელის „პაეროპლანი სოფლად“, ვ. გაფრინდაშვილის „სიმღერა“, კ. ნადირაძის „წიფელი მოედანი“, კ. კალაძის „ძახილი აღმოსავლეთს“, „მხედრული“ და სხვ. ტ. გრანელის ლექსები და მათი ლირიკულ-კამერული ბუნება.

პროზა: ს. კლდიაშვილის „პროვინციის მთვარე“, ნ. მიწიშვილის „ეპოპეა“, პ. ჩხიკვაძის „სართულები“, „ამხანაგი ბუთხუზი“, რ. გვეტაძის „თეო“ და სხვ.

დრამატურგია: გ. ბუხნიკაშვილის „შეშინებული ანიომოზი“, ს. შანშიაშვილის „პერეკის გმირები“, კ. კალაძის „ხატიჯე“, „როგორ“. ეროვნული დრამატურგია როგორც ქართული თეატრის რეპერტუარის მთავარი წყარო.

2. ქართული საბჭოთა ლიტერატურის განვითარების
მეორე პერიოდი — ოცდაათიანი წლები
(1932—1941)

30-იანი წლები, როგორც ახალი ეტაპი საბჭოთა საზოგადოების განვითარებასა და მხატვრული აზროვნების ისტორიაში, სკვ(ბ) ცენტრალური კომიტეტის 1932 წლის 23 აპრილის დადგენილება „სა-ლიტერატურო-სამხატვრო ორგანიზაციათა გარდაქმნის შესახებ“ და მისი ისტორიული მნიშვნელობა ქართული ლიტერატურის განვითარებისათვის, საბჭოთა მწერლების კავშირის დაარსება; მწერალთა სრულიად სავაჭირო პირველი ყრილობა (1934) და მისი როლი მოქმე ხალხების შემოქმედებითი ძალების კონსოლიდაციის საქმეში, გორკის მოხსენება ყრილობაზე, საბჭოთა ლიტერატურის შემოქმედებითი მეთოდის — სოციალისტური რეალიზმის დამკვიდრება ქართულ ლიტერატურაში, მისი პრინციპები და ნოვატორული ბუნება.

სოციალისტური გარდაქმნების გამოსახვისა და დადებითი გმირის პრობლემა ოცდაათიანი წლების, ქართულ ლიტერატურაში, ახალი ადამიანის ფორმირება სოციალისტური შრომის პროცესში, ამ პროცესის ჩვენება — ოცდაათიანი წლების საბჭოთა ლიტერატურის უმთავრესი საგანი, ლიტერატურული კრიტიკის ხასიათი: მისი ბრძოლა ხალხურობისა და მალამხატვრობისათვის, ფორმალიზმის, ნატურალიზმის, ერთფეროვნებისა და სანოტბო ლირიკის წინააღმდეგ, ჯგუფობრიობისა და რაპული კრიტიკის გადმონაშთები, ვულგარიზმისა და სუბიექტივიზმის რეციდივები, მისი უარყოფითი გავლენა, ქართული მწერლობის ყანობრივ-სახეობრივი მრავალფეროვნება, მოქმე ხალხთა ლიტერატურების ურთიერთგავლენა, იდეური ერთიანობა და მხატვრულ-ფორმისეული თავისებურებანი, ახალი შემოქმედებითი ძალების მოსვლა ქართულ მწერლობაში, ელენ. „ჩუნი თაობა“ და მისი როლი ქართული მხატვრული აზროვნების განვითარებაში.

პოეზია: პ. იაშვილის „კოლხიდის პირველ მოსახლეს“, „როგორც აფრის ტკაცუნი“, ალ. აბაშელის „ახალ საქართველოს“, „სიმღერა სამშობლოზე“, კ. ნადირაძის „ორფეოსის სიმღერა“, კ. კა-

ლადის პოემა „უჩარდიონი“, ლ. ასათიანის „კრწანისის ყაყაჩოები“, „საქართველო იყო მათი საოცნებო სახელი“, მ. გელოვანის „შავნაბადა“ და სხვ.

პროზა: პ. ჩხივედის „ნაბიჯები“, პ. საყვარელიძის „დაფანტული ფურცლები“, გ. ბააზოვის „ფეთხანი“, ს. კლდიაშვილის „ფერფლი“, „სევანური მოთხრობები“, პ. ლორიას „მეველდი“, ი. ლისაშვილის „ლადო კეცხოველი“, ალ. ქუთათელის „პირისპირ“ (იორველი წიგნი), რ. გვეტაძის „ლამაურის საღამოები“, ა. ბელიაშვილის „ახალგაზრდები“ და სხვ.

დრამატურგია: ი. ვაკელის „შამილი“, ს. კლდიაშვილის „გმირთა თაობა“, ს. შანშიაშვილის „ანზორ“, „არსენა“, გ. მდიენის „ალკაზარი“, „სამშობლო“, გ. ბააზოვის „იკვა რიჩინაშვილი“, ვ. გაბესკირიას „მათი ამბავი“ და სხვ.

3. დიდი სამამულო ომის პერიოდის მწერლობა
(1941—1945)

ქართული საბჭოთა მწერლობის თემატიკის გარდაქმნა საომარ ყაიდაზე, ამ პერიოდის მწერლობის ყანობრივ-სახეობრივი თავისებურება, ლექსი, ნარკვევი, მოთხრობა, ნოველა და პუბლიცისტური სტატია, როგორც ოპერატიული და გავრცელებული ფორმა ამ პერიოდის მწერლობაში, სამშობლოს დაცვის, საბჭოთა ხალხების ძმური მეგობრობის, მონოლითობის, თავისუფლებისათვის გმირული ბრძოლის თემა, როგორც ქართული ლიტერატურის ძირითადი გამსჭვალავი თემა, ისტორიულ-პატრიოტული თემატიკა.

პოეზია: ალ. აბაშელის „არ მოუშვა, დაჰკარი“, „მთები და-ღესტანისა“, კ. კალაძის „ბუქარაული“, „ბარათი დედას“, ლ. ასათიანის „ცხრა ძმა ხერხეულიძე“, მ. გელოვანის, „სამშობლო მეძახის“, რ. მარგიანის „მუმლი მუხასა“, „მე უბით ვატარებ პატარა ბატას“, ი. ნონეშვილის „დედის დარიგება“, „სიმღერა ზოია კოს-მოდეშვიანსკაიაზე“, ხ. ბერულავას „ამხანაგო მიშაკო, ძმაო შალამბერიძე“ და სხვ.

პროზა: რ. გვეტაძის „მართალი ნოველები“, ვრ. ჩიქოვანის „ფოსტალიონის სიკვდილი“, ა. ბელიაშვილის „ბესიკ გაბაშვილის ცხოვრება“ და სხვ.

დრამატურგია: ლ. გოთუას „ერეკლე“, ს. შანშიაშვილის „კრწანისის გმირები“, მ. ჯაფარიძის „ჯამთაბერის ასული“, გ. შატბერაშვილის „ფიქრის გორა“ და სხვ.

შალვა დადიანი (1874—1959). ბიოგრაფია. შ. დადიანის ადრინდელი პროზა. რევოლუციის თემა ადრინდელ შემოქმედებაში, სოციალური ურთიერთობისა და კლასობრივი ბრძოლის გამოხატვა („როს ნადიმობდნენ“, „მღვიმეში“, „გეგეჭკორი“). ნიადაგამოცლილი თავადაზნაურობის ჩვენება („გუშინდელი“, „შენი ჭირიმე“). ისტორიული რომანი („გიორგი რუსი“). სოციალისტური სინამდვილის დამკვიდრებისა და ძველი ტრადიციების რღვევის ასახვა („თეთნულდი“). რომანი საქართველოს რევოლუციურ წარსულზე („გვირგვილიანების ოჯახი“). მემუარული ნაწარმოები („რაც გამაჩვენდა“). შ. დადიანის ადგილი ქართულ საბჭოთა ლიტერატურაში.

მიხეილ ჯავახიშვილი (1880—1937). ბიოგრაფია. შემოქმედებითი გზის დახასიათება. ადრინდელი მოთხრობები („ჩანჩქრა“, „მეჩქმე ვაბო“ და სხვ.). ლიტერატურული მოღვაწეობის განახლება და ამ პერიოდის მოთხრობები („ტყის კაცი“, „ლამბალო და ყაშა“, „მართალი აბდულაჰი“). მ. ჯავახიშვილის რომანები („ჩაყოს ხიზნები“, „თეთრი საყელო“, „კვაჭი კვაჭანტირაძე“, „გივი შადური“, „არსენა მარაბდელი“, „ქალის ტვირთი“). მათი ადგილი ქართული რომანისტიკის განვითარებაში. მ. ჯავახიშვილის წერილები ლიტერატურის, ენის, ხელოვნების საკითხებზე. წერის მანერა. პორტრეტის ხატვის ხელოვნება. ენობრივი თავისებურებანი. ფსიქოლოგიზმი.

ნიკო ლორთქიფანიძე (1880—1944). ბიოგრაფია. იმპრესიონიზმი ნ. ლორთქიფანიძის შემოქმედებაში („უილქნოდ“, „შელოცვა რადიოთი“, და სხვ.). ადამიანის ბუნებისა და დანიშნულების საკითხი („დადიანის ასული და მათხოვარი“, „პანაშვიდი“). „პატარა ადამიანის“ თემა („პატარა კაცი“, „უილქნოდ“). ძველი საქართველოს ცხოვრების ასახვა („რაინდები“, „მრისხანე ბატონი“, „ყამთა სიავე“). კაპიტალიზმის განვითარებისა და ამ ნიადაგზე თავადაზნაურობის გადაშენების პროცესი („დანგრეული ბუდეები“). ძველი სოფლის გლეხთა ყოფა („კერასათვის“, „ტრაგედია უგმიროდ“ და სხვ.). ნ. ლორთქიფანიძის შემოქმედებითი გზა სოციალის-

ტური რევოლუციის შემდეგ („ბოლიკებიდან ლიანდაგებზე“, „მოქანდაკე“ და სხვ.). ნოველები და მინიატურები („თავსაფრიალი დედაკაცი“, „გული“, „ბორტმოქმედი“, „იყიდება საქართველო“ და სხვ.). ნ. ლორთქიფანიძის სტილის დამახასიათებელი ნიშნები: ღირიზმი, ტიპიზაციის ხერხები, ლაკონიზმი, ფსიქოლოგიზმი, ყოფითი დეტალები. რიტმული პროზის საკითხი ნ. ლორთქიფანიძის მინიატურებში.

ლეო ქიაჩელი (1884—1963). ბიოგრაფია. ადრინდელი ნოველები („სტეფანე“, „ჯადოსანი“, „ცოდვის შვილები“). სიმბოლიზმისა და იმპრესიონიზმის ნიშნები ამ ნოველებში. რევოლუციისა და რეაქციის თემა ქიაჩელის შემოქმედებაში („ტარიელ გოლუა“, „სისხლი“), სამოქალაქო ომის თემა („პაქი აძმა“). „ყოფილი ადამიანის“ თემა („თავადის ქალი მიაი“). საკოლმეურნეო სოფელი და ახალი ადამიანის ფორმირების საკითხი („გვადი ბიგვა“). დიდი სამამულო ომის ასახვა („მთის კაცი“, „მამა და შვილი“). ლ. ქიაჩელის მხატვრული ოსტატობა. ფსიქოლოგიზმი („ალმასგირ კიბულანი“). ხასიათის ხატვის ხელოვნება („ტარიელ გოლუა“, „გვადი ბიგვა“, „თავადის ქალი მიაი“). სოციალისტური რეალიზმის ნიშნები ქიაჩელის შემოქმედებაში. ქიაჩელის საბავშვო ნაწარმოებები.

იოსებ გრიშაშვილი (1889—1966). ბიოგრაფია. იოსებ გრიშაშვილი და ქართული პოეზიის ტრადიციები. სამოქალაქო მოტივები და ბრძოლის თემატიკა ადრინდელ ლექსებში („ტუსაღის სიმღერა“, „განთიადი“, „ზამთარი“). პატრიოტიზმის თემა („სამშობლოს ნანგრევები“, „ოღონდ მაკალეთ“). ქალისა და სოციალურის კულტი („ქურდული აღერსი“, „დარჩი, დარჩი“, „ყურბალიში“, „ხელთათმის დიდი“, „ლოცვა ჟამსა წყევლისასა“, „ლია“, „ქორწილი ჩვენს უბანში“) როგორც განმსაზღვრელი მოტივი გრიშაშვილის რევოლუციამდელი ლირიკისა, ძველი თბილისი ი. გრიშაშვილის პოეზიაში („ამაშხანისკენ“, „თათრის ქალი სუბსარქისში“, „ტრიოლეტები შეითან ბაზარში“). ახალი თბილისის თემა („გამოთხოვება ძველ თბილისთან“, „სამშობლოსადმი“, „გრიგოლ ორბელიანი კომკავშირის ხეივანში“, „ახალი თბილისი“). დიდი სამამულო ომი ი. გრიშაშვილის პოეზიაში. („მეისტორიე, წიგნი დახურე“, „ბალადა ხელმანდილზე“, „ორი სიტყვა“). ი. გრიშაშვილი

ლი — ლიტერატურის მკვლევარი. ი. გრიშაშვილის პოეტიკა. ქალაქური ფოლკლორის გავლენა. ი. გრიშაშვილის საბავშვო ლექსები.

გალაკტიონ ტაბიძე (1891—1959). ბიოგრაფია. 1905 წლის რევოლუციისა და რეაქციის გავლენა გ. ტაბიძის პოეზიაზე. გ. ტაბიძე და ქართული კლასიკური პოეზია. ნ. ბარათაშვილი და გ. ტაბიძე. სიმბოლიზმის გავლენა და წინააღმდეგობანი გალაკტიონის რევოლუციამდელ პოეზიაში. ფილოსოფიური ლირიკა („მე და ღამე“, „მესაფლავე“, „თოვლი“, „უღაბნო“, „შავი ყორანი“, „ათოვდა ზამთრის ბაღებს“, „მთაწმინდის მთვარე“, „ლურჯა ცხენები“ და სხვ.). ბუნების რომანტიკული გაგება („ჩემი შრიალით ზის ფოთლები მეგებებიან“, „შემოდგომის მოტივები“). ადრინდელი ლექსების რევოლუციური რომანტიკა („პირველი მისი“, „მე დაგიბადე განთიადისას“, „ხვევით ასწიეთ მზე, ზევით“). გ. ტაბიძე და რევოლუცია („წერილი მეგობრებისადმი“, „გემი დალანდი“, „დროშები ჩქარა“, „რამდენიმე დღე პეტროგრადში“). საბჭოთა ხელისუფლების დამყარება საქართველოში და რევოლუციის მიღება („ჩვენ, პოეტები საქართველოსი“). სოციალისტური მშენებლობის პათოსი, ახალი ადამიანი („ეპოქა“, „რევოლუციური საქართველო“). პატრიოტული ლირიკა („მშობლიურთ ჩემო მიწავ“, „ღრუბლები ძაღვთან“, „სამშობლო“). ბოლო პერიოდის ლექსები („ნიკორწმინდა“, „ასპინძა“, „მესხის გამოხედვა“). გ. ტაბიძის ეპიკური ნაწარმოებები: „ჯონ რიდი“, „აკაკი წერეთელი“, „საუბარი ლირიკის შესახებ“, „მშვილობის წიგნი“. გ. ტაბიძე — უახლესი ქართული ლექსის რეფორმატორი და ქართული საბჭოთა პოეზიის ერთ-ერთი ფუძემდებელი. გ. ტაბიძის პოეტიკა.

კონსტანტინე გამსახურდია (1891—1975). ბიოგრაფია. შემოქმედებითი გზა. დეკადენტური მწერლობის ადრინდელი გავლენა („მკვდართან შეხვედრა“, „პორცელანი“, „ლილ“). „ხედმეტი ადამიანის“ თემა კ. გამსახურდიას შემოქმედებაში („დიონისოს ლილი“, „მთვარის მოტაცება“). თანამედროვეობის ამსახველი რომანები („მთვარის მოტაცება“, „ვანის ყვავილობა“). ისტორიული წარსულის ასახვა („დიდოსტატის მარჯვენა“, „დავით აღმაშენებელი“).

ისტორიული რომანის გამსახურდიასეული კონცეფცია. კ. გამსახურდია — ნოველისტი („დიდი იოსები“, „ხოვანის მიწლი“, „ტაბუ“, „ქოსა გახუ“ და სხვა). მხატვრული ოსტატობა, მითოსის ადგილი გამსახურდიას შემოქმედებაში. ენა, სტილი.

ტიციან ტაბიძე (1895—1937). ბიოგრაფია. ტიციან ტაბიძე და ქართული სიმბოლიზმი. პოეტის ესთეტიკურ-მხატვრული მრწამსის გარდატეხა: რუსი და კავკასიის ხალხებისადმი მიძღვნილი ლექსები. როგორც საბჭოთა ხალხების ძმური ოჯახის საგალობელი: ხალხთა სოლიდარობისა და ინტერნაციონალიზმის თემა ტ. ტაბიძის პოეზიაში. საბჭოთა პატრიოტიზმის მოტივები („მამ გამარჯვება“, „ოქროყანა“, „ლექსი მეწყერი“, „არცერთი სიტყვა არ დამცდენია“, „თბილისის ღამე“, „რია რია“, „ცა მაღალია. მთაც მაღალია“. „მე ყაჩაღებმა მომკლეს არაგვზე“, „აპრილი ორპირში“, „ორპირელი კომკავშირელი კრემლში“, „სამშობლო“). პოეტური ეპოსი. მხატვრული ნარკვევები თარგმანები და ლიტერატურული წერილები. ტ. ტაბიძის ლექსის თავისებურება.

პოლიკარპე კაკაბაძე (1895—1973). ბიოგრაფია. პ. კაკაბაძის დრამატურგიის ადრინდელი ნიმუშები („სამი ასული“, „ლისაბონის ტუსაღები“). კომედია „ყვარყვარე თუთაბერი“ და მისი ადგილი ქართულ კომედიოგრაფიაში. საბჭოთა სოფლის თემა („კოლმეურნის ქორწინება“, „ცხოვრების ჯარა“). ისტორიული თემატიკა პ. კაკაბაძის შემოქმედებაში („კახაბერის ნმალი“, „მეფე ვახტანგ პირველი გორგასალი“). პ. კაკაბაძის დრამატურგიის მხატვრული თავისებურებანი.

გიორგი ლეონიძე (1899—1966). ბიოგრაფია. პატრიოტული მოტივები პირველი პერიოდის ლექსებში („ზარი“, „გულს“). სიმბოლიზმის გავლენა ადრინდელ შემოქმედებაში („ზამთრის მელოდია“, „აეტოპორტრეტნი“). სოციალისტური სინამდვილის გამოხატვა. განახლებული სამშობლოსა და რევოლუციის თემები გ. ლეონიძის პოეზიაში („მისალმება აზერბაიჯანის პოეტებისადმი“, „ვეჟლერ სამშობლოს“, „გმირი და პოეტი“ და სხვა). პოემები („საქორი“, „ფორთოხალა“, „ბერშოულა“ და სხვა). საქართველოს წარსული ლეონიძის ლექსებში (ციკლი „ქართლის ცხოვრება“ და სხვა). ლირიკული ლექსები („ქართლის ბაღი“, „მთაწმინდიდან ქარს

მოჭონდა“, „ყივჩაღის პაემანი“, „ოლე“, „მევიარლობა“, „ნიწო ქავჭავაძე“). სამამულო ომის ასახვა („არ დაიდარდო, დედაო“, „ქართველ მხედრებს“, „შინ მოუსვლელო, სადა ხარ“). ომის შემდგომი პერიოდის ლექსები („რაიკომის მდივანი“, „კომუნისტის ხარაჩოები“, „უნგრული ლექსები“). პროზა („ნატერის ხე“). გ. ლეონიძე — ქართული საბჭოთა პოეზიის ერთ-ერთი ფუძემდებელი. გ. ლეონიძე — მკვლევარი, მისი პოეტიკა.

სიმონ ჩიქოვანი (1902—1966). ბიოგრაფია. ფუტურისტული პერიოდის ლექსები („ცირა“, „სანაპირო სიმღერა“, „მეკამეჩეების ურმული“). ბრძოლა ბურჟუაზიულ-დეკადენტური ესთეტიკის პრინციპებთან („ჩემი სიტყვა მემარცხენეების დისპუტზე“, „ძველ პოეტს“, „ბრძოლა რომანტიზმთან“). ფუტურისტული კონცეფციების დაძლევა და ახალი სინამდვილის ასახვა რეალისტური მეთოდის გამოყენებით („მთაო, ვადმიშვი“, „პოეტის საქმე“, „გამოთხოვება სიყმაწვილესთან“). სოციალისტური სამშობლოს, პატრიოტიზმის თემა მის ლირიკაში („ვინა სთქვა“, „არ დაერქმევა პატარა მხარე“, „ძველი მცხეთა“, „მშობლიურ ხალხს“, „საარჩევნო სიმღერა“). პოემა „სიმღერა დავით გურამიშვილზე“ და ხალხთა შრომის ისტორიული ფესვების გამოსახვა მასში. სამამულო ომზე შექმნილი ლექსების ციკლი („მამულს ვუთხრათ გამარჯვება“ და სხვა). ბოლო პერიოდის შემოქმედება (საზღვარგარეთული ლექსების ციკლი და „განჯის დღიური“), სიმონ ჩიქოვანის პოეტური სამყარო.

დემნა შენგელაია (1896). ბიოგრაფიული ცნობები. სიმბოლისტური პროზის გავლენა აღრინდელ ნაწარმოებებში. თავდაზნაურობის ეკონომიკური და სულიერი დაცემულობა-გადაგვარების ჩვენება („სანავარდო“, „გურამ ბარამანდია“). ყოფითი რომანი („ბათა ქეჩია“). ძველი თბილისის კოლორიტული აღწერა („ირმის ნახტომი“). მუშათა კლასისა და ინტელიგენციის წარმომადგენლების გამოსახვა („შთავთნება“). დიდი სამამულო ომის თემა („წითელი ყაყაჩო“). მოთხრობა „განძი“. დ. შენგელაიას პროზის მხატვრული თავისებურებანი. დ. შენგელაიას ლიტერატურული წერილები.

ალიო მირცხულავა (1903—1971). ბიოგრაფია. ა. მირცხულავა და პროლეტარული მწერლობის მეორე თაობა. ამ თაობის წარმომადგენლები. ა. მირცხულავა, როგორც ამ თაობის მეთაური, ბრძოლისა და რევოლუციის პოეტი („პოეტი კაპიტანი“, „ჩემი ცხოვრების მთავარი თემა“). კომკავშირის თემა ა. მირცხულავას პოეზიაში („დამკვრელი ბრიგადები“, „ლაითურის კომკავშირი“). საბჭოე პატრიოტიზმის თემა. სოციალისტური მშენებლობისა და ახალი აღამიანის ჩვენება („გენგური“, „განგაში“). სამამულო ომის თემა ა. მირცხულავას პოეზიაში. ომის შემდგომი პერიოდის ლირიკა („ვერხვი“, „გული“ და სხვ.). პოემა „რუსთავი“. ლექსის ფორმა, სტილი, მხატვრული თავისებურება.

კონსტანტინე ლორთქიფანიძე (1905) ბიოგრაფიული ცნობები. კ. ლორთქიფანიძის აღრინდელი პროზა („პირველი დედა“, „ნავაი“ და სხვ.). საკოლმეურნეო მშენებლობის ასახვა, ახალი გმირის სახის გახსნა („კოლხეთის ცისკარი“). მოძვე ხალხთა ბრძოლსა და ყოფის გამოხატვა („ბელორუსული მოთხრობები“). სამამულო ომის თემა კ. ლორთქიფანიძის შემოქმედებაში („როგორ მოკვდა მოხუცი მებაღური“, „მწვანე ღილი“, „სიყვდილი ცოტას მოიცდის“, „ცაბუნია“). რომანი „ნატერის თვალი“. კ. ლორთქიფანიძის ნოველები და ნარკვევები. მხატვრული ოსტატობა.

ირაკლი აბაშიძე (1909). ბიოგრაფიული ცნობები. ი. აბაშიძე და პროლეტარული მწერლობის მესამე თაობა. კომკავშირის თემატიკა ი. აბაშიძის შემოქმედებაში. საქართველოში საბჭოთა ხელისუფლების დამყარების პირველი წლების სინამდვილის ამსახველი ლექსები („პირველი თოვლი“ სიმღერა“, „ოდიშის პლანტაციები“). სამამულო ომის თემა („კაპიტანი ბუხაიძე“, „ქართველი მეომრები“, „როცა ბანდენბურგს უახლოვდები“, „ლესელიძის ხსოვნას“). საბჭოთა პატრიოტიზმის თემა („აქ დავიბადე“, „სამი ცინე“). ომის შემდგომი პერიოდის მშვიდობიანი მშენებლობის გამოსახვა („სიმღერა მკის დროს“). ლექსების ციკლი „რუსთაველის ნაკვალევზე“ და „პალესტინა, პალესტინა“. საბავშვო ლექსები.

გრიგოლ აბაშიძე (1914). ბიოგრაფიული ცნობები. გ. აბაშიძის ლექსების პირველი კრებული, პატრიოტული ლირიკა. სამამულო

ომის თემა გ. აბაშიძის პოეზიაში („ძღვეის ქედი“, „ზარზმის ზმანება“). ომის შემდგომი პერიოდის ასახვა გ. აბაშიძის პოეზიაში (ლექსების ციკლი „სამხრეთ საზღვარზე“, „სამგორის ველზე“). დრამატული პოემა „მოგზაურობა სამ დროში“. ისტორიული რომანები („ლაშარელა“, „დიდი ღამე“, „ცოტნე ანუ ქართველთა დაცემა და ამალღება“) გრიგოლ აბაშიძე და საბავშვო მწერლობა.

ომის შემდგომი ქართული მწერლობა
(70-იან წლებამდე)

არაჯანსაღი მხატვრული ტენდენციების წარმოშობა საერთოდ საბჭოთა ლიტერატურაში ომის დამთავრების პირველ ხანებში. სწრაფვა უსაზღო ლირიკისაკენ და აპოლიტიკურობის რეციდივები. სკკპ (ბ) ცენტრალური კომიტეტის 1946—1948 წლების დადგენილებანი ხელისუფლებისა და ლიტერატურის იდეურობის შესახებ და მათი როლი ქართული მწერლობის განვითარებაშია ლიტერატურული კრიტიკის ბრძოლა ფორმალისმისა და „უკონფლიქტობის“ თეორიის წინააღმდეგ, მხატვრული სისადავისა, ოსტატობისა და მთლიანი იდეურობისათვის. საქართველოს მწერალთა კავშირის მესამე (1946) მეოთხე (1954) ყრილობები, ახალი თაობის მოსვლა (ა. კალანდაძე, ო. ჩხეიძე, რ. ჯაფარიძე, ნ. დუმბაძე, კ. ბუაჩიძე, ვ. კანდელაკი, რ. ინანიშვილი, მ. მაჭუაერიანი, ა. სულაკაური, ო. იოსელიანი, მ. ლეზანიძე, ლ. მრეღაშვილი, გ. რჩეულიშვილი, ჭ. ამირჩიბი, შ. ნიშნიანიძე, ო. ჭილაძე, ჯ. ჩარკვიანი, გ. ფანჯიკიძე და სხვ.).

პატრიოტიზმი და სამამულო ომი როგორც ომის შემდგომი ქართული ლიტერატურის მთავარი თემა და მოტივი, მისი ახლებური გააზრება და გაღრმავება, ხალხთა მეგობრობის, ჰუმანიზმის, ინტერნაციონალიზმისა და ზოგადსაკაცობრიო იდეების გამოსახვა. ფილოსოფიურ-ეთიკური პრობლემატიკით დაინტერესება, თემატური მრავალფეროვნება. ყანობრივი სიხალენი. ნეგატიურ მოვლენათა კრიტიკა და მამხილებელი პათოსი 60—70-იანი წლების ქართულ საბჭოთა ლიტერატურაში. ქართული ლირიკის თანამედროვე ბუნება — „ცნობიერების ნაკადის“ გამოვლენა. პოეტური ეპოსის აღმავლობა, თანამედროვე ქართული დრამატურგია, თანამედროვე საბავშვო ლიტერატურა.

სკკპ ცენტრალური კომიტეტის 1972 წლის იანვრის დადგენილება „ლიტერატურულ-მხატვრული კრიტიკის შესახებ“ და მისი როლი ქართული ლიტერატურისა და ლიტერატურული კრიტიკის განვითარებისათვის. მწერლობის დაახლოება ხალხის ცხოვრებასთან, მისი აქტივობის გაძლიერება პარტიისა და მთავრობის მიერ დასახულ ამოცანათა შესრულებისათვის. მოქმე ერთა ლიტერატურის ურთიერთ მჭიდროდ დაკავშირება, ურთიერთ გაძლიერება და განვითარება, როგორც თანამედროვეობის ერთ-ერთი დამახასიათებელი პროცესი.

თანამედროვე ქართული ლიტერატურის მცოდნეობა და ლიტერატურული კრიტიკა. სოციალისტური რეალიზმის პრინციპების დაცვისათვის ბრძოლა. ლიტერატურული მოვლენების შესწავლის კომპლექსური მეთოდი. უფრო ახალი „ცისკარი“, აღმანახები „კრიტიკა“, „საუფავე“, „განთიადი“, როგორც ამ დროის ახალი ლიტერატურულ-ბეჭდვითი ორგანოები.

სსრ კავშირის მწერალთა კავშირის მეექვსე და საქართველოს მწერალთა კავშირის მე-7-ე ყრილობის მასალები.

საბჭოთა კავშირის კომუნისტური პარტიის 25-ე და საქართველოს კპ 25-ე ყრილობის ისტორიული დადგენილებანი და ქართული საბჭოთა ლიტერატურის შემდგომი განვითარების პერსპექტივები.

ლ. ი. ბრევენევის წიგნების — „მცირე მიწა“, „ალორძინება“, „ყამირი“ მნიშვნელობა თანამედროვე ლიტერატურული ცხოვრების გააქტიურებისა და ამალღებისათვის.

ლიტერატურა

- კ. მარქსი და ფ. ენგელსი, ხელოვნების შესახებ, ტ. I და II, 1958 წ. (რუსულ ენაზე).
- ვ. ი. ლენინი — ლიტერატურისა და ხელოვნების შესახებ, 1957 წ.
- სსკპ ცენტრალური კომიტეტის დადგენილებანი იდეოლოგიურ საკითხებზე.
- სსკპ 25-ე ყრილობის მასალები.
- საქართველოს კპ 25-ე ყრილობის მასალები.
- დასახელებულ მწერალთა თხზულებანი.
- ა. წულუკიძე — რჩეული თხზულებანი, 1967 წ.
- ლ. ასათიანი — რჩეული ნაწერები, 1958 წ.
- ვ. ბახტაძე — რჩეული ნაწერები, 1961 წ.
- ბ. ბუაჩიძე — კრიტიკული წერილების კრებული, 1960 წ.
- დ. ბენაშვილი — კრიტიკული ნარკვევები XX საუკუნის ქართულ ლიტერატურაზე, ტ. I, 1967 წ.
- კ. გამსახურდია — რჩეული თხზულებანი, ტ. VI და VII.
- ა. გაწერელია — რჩეული ნაწერები, ტ. I და II.
- დ. თევზაძე — თანამედროვე ქართული მწერლობის საკითხები, 1962 წ.
- ა. თოფურია — ლეო ქიაჩელის ცხოვრება და შემოქმედება, 1977 წ.
- ლ. კალანდაძე — ლიტერატურული წერილები, 1972 წ.
- ტ. კვანჭილაშვილი — მიხეილ ჯავახიშვილის შემოქმედება, 1966 წ.
- გ. მერკვილაძე — რომანი და ეპოქა, 1973 წ.
- რ. მიშველაძე — თანამედროვე ქართული პოემა, 1975 წ.
- გ. ნატროშვილი — წინაპრები და თანამედროვენი, 1961 წ.
- შ. რადიანი — თანამედროვენი, 1965 წ.
- ტ. ტაბიძე — თხზულებანი, ტ. II, 1966 წ.
- გ. ქიქოძე — რჩეული თხზულებანი, ტ. I, II, III.
- დ. შენგელაია — მუდმივი თანამგზავრები, 1964 წ.

- ს. ჩიქოვანი — თხზულებანი, ტ. III, 1967 წ.
- ვ. ცისკარიძე — უახლესი ქართული ლიტერატურის ისტორიის საკითხები, 1972 წ.
- გ. ციციშვილი — ქართული საბჭოთა დრამატურგია, 1960 წ.
- ბ. ელენტი — მწერლობა და თანამედროვეობა, 1976 წ.
- ს. ქილაია — მე-20 საუკუნის ქართული მწერლობა, I, II, III და IV ტ.
- გ. ჯიბლაძე — კრიტიკული ეტიუდები, I, II, III, IV და V ტ.
- შ. ჯავახიშვილი — რჩეული თხზულებანი, ტ. VI.
- კრებული, ნარკვევები მეოცე საუკუნის ქართული ჟურნალისტიკის ისტორიიდან, 1974 წ.

ПРОГРАММА

по новейшей грузинской литературе
для пединститутов

(на грузинском языке)
Тбилиси—1979

უზასო

ნაბეჭდი თაბახი 1,5
შ. 284

სააღრიცხვო-საგამომცემლო თაბახი 1,18
ტ. 2000

აღ. წულუკიძის სახ. ქუთაისის პედინსტიტუტის სტამბა, ქუთაისი, კიროვის 55.
Тип. Кутаисского пединститута, им. А. Цулукидзе, Кутаиси, ул. Кирова, № 55.